



Apeqquteqaat aallaavigalugu inuit timimikkut innarluutillit uagut inuiaqatigiittut pitsaaneruseqarneris ilaatinneqalernissaat angusinnaaneripput apeqquteqaatigalugu saqqummiussamik siunnersuut. Qanoq iliuuseqarnikkut ilumoortumik piviusorsioortumillu inuit timimikkut innarluuteqartut innarluutillit pillugit inatsisimmi pineqartut ilinniartitaanermi aaqqissuussinermut kingornatigullu suliffeqarfinnut isertinneqarsinnaappat? Qanoq ililluta ilinniartiitaanikkut aaqqissuussineq initunerusoq aammalu suliffeqarfeqarneq inunnut timimikkut innarluuteqartunut periarfissii-neq pilersissinnaavarput?

(Inatsisartunut ilaasortaqaq Agathe Fontain, Inuit Ataqatigiit)

Apeqquteqaat aallaavigalugu oqallinnissamut siunnersuuteqartumut qujanaq qulequtaq qaqqimmagu, tamannami oqallisigissallugu pingaaruteqarpoq aamma maani Inimi.

Tunnngaviusumik Demokraatini isumaqarpugut inuiaqatigiinni isummersortarnerup allannngortinnissaa suleqatigiissutigisariaqaripput, siullerpaamillu suliarisariaqarparput inuit innarluutillit inuiaqatigiinnut akuulersinnissaannut atukkat allannngortinnissaat; ilanngullugu inuussutissarsiornerup iluani aamma ilinniartinni.

Politikerigut pisortat, inuussutissarsioortut aamma ilinniartit kaamisarneqareerput siusinaarluni pensionisartaqarnermut inatsisip iluarsartuunneqarneranut atatillugu.

Maannakkut tamatta apeqqutaaginnalerpugut atorfiit oqittut ineriartortinnissaasa ilinniartitillu peqataatitsisaleqarnissaasa qularnaarnissaannut, minnerunngitsumillu innarluutillit eqqarsartaatsimikkullu sanngiitsortatta inuiaqatigiinnut akuutilernissaannut, tassa ulluni naliginnaarni peqataatitlernissaannut.

Innarluutillit sorpassuupput taamaattumik aamma eqqaamasariaqarpoq, innarluutit assigiinngitsut, inuit assigiinngitsut aamma neqeroorutit assigiinngitsut assigiissarneqarsinnaanngimmata allatullu ajornartumik qularnaartariaqarmat assigiinngiiaartitsisoqarnissaa soorlu aamma akuerisariaqaripput akuutitsiniarneq tamatigit tamakkiisumik iluatsinneqarneq ajortoq, kisianni uummateqaraanni akuersaarlunilu sunarujussuaq anguneqarsinnaavoq.

Soorunami Nunani Avannarlerni peqatigiiffeqarpoq kattuffeqarlunilu isumassarsiorfigisinnaasatsinnik aamma Naalagaaffeqatigiit iluanni. Assersuutigalugu taasinnaavarput Danmarkimi aallartinneqarsimasoq KLAP, suliniut nuna tamakkerlugu peqatigiiffiup LEV-p aallartitaraa. Nuna tamakkerlugu peqatigiiffik LEV nuna tamakkerlugu peqatigiiffik namminersortuuvoq ilaasortaralugit inuit ineriartornermikkut inortut, ilaqquttat allallu soqutiginnittut.

KLAP suliniutaavoq siunertaralugu inuit eqqarsartaatsikkut ajornartorsiutillit sulilersittarnissaat.



KLAP-mut aallaaviuvoq suliffeqarfiit pisariaqartitsinerat aamma inuit suliffiillu tulluussarneqartarput. Tamannali sioqqullugu KLAP oqaloqatiginnittarpoq suliffiit Sulisoqarnermut Immikkoortorta qarfiinik, toqqaasarpoq attaveqaatissamik ataatsimik arlariinnilluunniit sulisut malittarisassaannik aamma atorfinitsitsisoqartarpoq qaammammi ataatsimi naleqqussaanissamut piffissaliilluni, illuatungeriit imminnut nassaariniassammata.

Sulilersumut piumaasaqaatit arlaqarput; piffissaq eqqorlugu suliertortarnissaq pingaaruteqarpoq, suliffeqarusuttusaaq, tusarnaarlua sinnaassaaq aamma nammineerluni suliertorsinnaasariaqarpoq. Paarlattuanik peqatigiiffiup suliniutigaa, suliffinnut isumaqatigiissuteqartarnissaq, sumiiffinni suliffissarsiuussisarfinnik oqaloqateqartarnissamut ikiuuttarnissaq imaluunniit ilaqquttat, suliffiit imaluunniit inuit eqqarsartaatsikkut ajornartorsiutilli allatigut ikiortarnissaat.

KLAP-p ilaatigut suleqatigai Muskesvindfonden, Landsforeningen LEV, Spastikerforeningen, ADHD-foreningen allarpassuillu aamma ataavartumik sulilersitsisarneq annertuumik iluatsitsiffiunikuuvoq.

Kalaallit Nunaanni taamaattumik ineriartortitsisoqarsinnaasuuppat assut torrallaasoqassagaluarpoq. Takorloorneqarsinnaavoq ilinniarnermut atatillugu atuarfinnik, ilinniarfinnik aamma peqatigiiffinik soorlu IPIS-mik, Inooqammik, Tusilartut peqatigiiffiaani allanillu peqatigiiffinik assigiinngitsunik innarluutilinnik sulissisunik suliffissarsiuussisarfiit naapeqateqartalernissaat tusarniarlugu inuit qassit sulilernissartik kissaatigineeraat. Suliffiit ornigineqarput aamma siusinaarluni pensionisiallit qujarussissagaluaqaat. Immikkooruteqarneq inuttut, sulisartutut imaluunniit inuiaqatigiinni allanut naleqqiulluni nalikinnerunermik, isumaqanngilaq.

Illuatungaani pineqarpoq innuttaasut, inuiaqatigiit inuussutissarsiortulluunniit ilikkartariaqarmassuk inuit innarluutillit, timikkut ineriartornikkulluunniit, tarnikkut allatigulluunniit ullutsinnut nalginnarnut ilaammata, akuutinneqartariaqarlutillu.

Uanga nammineq inuttut pitsaaneruvunga qanorluunniit innarluutilinnik tassannik ilisarimasaaqarama. Akimanageruvoq kikkut tamarmik assigiinnginnerat aamma tunuliaqutaavoq tamatta immikkut ataasiakkaarluta kiffaangissuseqarsinnaanitsinnut, nunatsinni kikkut tamat oqartussaaqataanerisa ineriartornissaanut, inuiaqatigiit qanilaarsinnaanerannut aamma allaanerussuteqartoqarneranut malugineq ajukkatsinnut, innuttaasut innarluutillit eqqarsartaatsikkullu innarluutillit inuiaqatigiinnut ilaapput.

Kaassuartakkamik angallateqarneq, rullestativimik atuineq imaluunniit allamik atuineq issittumi oqittuunnaaneq ajorpoq taamaattumik aamma kommunini, ilinniarfinni aamma isumaginninnitsinni isumassuunitsinnilu eqqaamasariaqarparput ajornartorsiutitaqarsinnaammata inunnik aallerneq, angerlarsimaffimmuut pulaarneq aamma atuarfinni peqataatitsinarneq suliffimmilu.



Tigussaasummik pisortanit aallarniutigineqarsinnaavoq meeqqat atuarfiini immikkut perorsaanermut suliniuteqarnissaq qaarmarsaassutiginiarlugu paasissutissiissutiginiarlugulu inuit assigiinngitsunik innarluutillit. Immaqa Inerisaaviup pisortat suleqatigalugit kalaallisut qaammarsaassutinik videoliorsinnaavoq, minnernut atuakkiorsinnaavoq oqaluttuaralugu allaaneruneg aamma allaanermik isikkoqarneq.

Kammagiitta pillugu atuartitsineq malitseqartinneqarsinnaavoq suliniutinik tigussaasunik aallaavigalugu Naalagaaffiit Peqatigiit Innarluutillit pillugit isumaqatigiissutaat.

Ilinniarnissamut piareersarfiit isumagisariaqarpaat ilinniartut aalassarluttut isersinnaanissaat aamma pisortat ajornanngippat qularnaarsinnaavaat taakkununga ikiutissat. Demokraatini eqqumiigaarput tapiitsunut, aamma isigiarsuttunut imaluunniit allannermut atuarsinnaanermullu ajornartorsiutilinnut nammattagaq IT-mik pineqartartoq Kalaallit Nunaanni suli eqqunneqanngimmat. Pisortani aqutsisoqatigiinnik pilersitsisinnaanngilagut paasinaasussanik, oqaloqatiginnittussanik aamma ujarlertussanik?

Demokraatini isumaqarput naapertorlugu qinigassaqarluarnissaq Kalaallit Nunaata siunissaanut pingaaruteqarluinnarpoq.

Taamattut oqaaseqarluta ullumikkut oqallinneq qutsatigaarput.